

A Messieurs des Estats. 47-2035⁵⁰-

MESSIEURS, Il n'y a pas vn *Case 56 D*
d'entre vous lequel ne co-
gnoisse en son coeur comme bons
François la miserable condition de
nostre cōmune Mere la France qui
triomphante autresfois de nations
estrangeres, se voit maintenant cap-
tiue enchainee par vn estranger.
C'est ce monstre d'auarice & d'or-
gueil ce Marechal nouueau monté
a ceste dignité si honorable & si im-
portante au Royaume non par son
extraction par sa vertu, par sa valeur
ou par ses seruices, non par les voeus
de l'Eglise, par le consentement de
la Noblesse ou par la volonté des
peuples. Mais par le malheur de la
France c'est luy qui recule les Prin-
ces d'aupres de leur Roy, qui oste
aux Seigneurs les charges deues à
leur seruice, qui ne laisse aucun be-

A

THE NEWBERRY
LIBRARY

Cas

F

39

. 326

1615 a

nefice vâccant pour remplir sa maison, & qui pren a millions dans les coffres de sa Maiefté attire les malediçions de ceux qui en resentêt tous les iours les charges par des nouveautez insuportables.

Est-il possible Messieurs que ceste genereuse Noblesse qui ne sçait que cest que d'endurer, gemisse cognoissant son mal sans l'oser dire . Est-il possible que celuy qui n'est ny d'extraction ny de merite esgal aux vostres vous tienne le pied sur la gorge que le François qui ne peut estre vaincu que par le François mesme se voye miserablement esclave d'un Italien, que vous voyez offêcer vos Princes qui sont comme la teste de vostre corps sans prendre leur iuste deffence cõtre l'insolence de ce poltron. Est-il possible encore vne fois qu'il s'en trouue de si lasche parmy

vous pour seruir de marchepied à sa
grandeur.

Que pensez vous qui aye ietté vne
partie de nos Princes au desespoir de
s'armer dans l'Estat. Ce n'est pas que
le Roy ne leur rédit des resmoigna-
ges de sa bonne volonté. Ce n'a esté
que la Royne ne contribuast son
soing pour tenir la balance de leurs
affections droicte au seruice de leurs
Majestez en les obligeant par toutes
sortes de bien-faiçts. C'a esté Mes-
sieurs, les artifices & les trahisons de
ce meschant, qui engloutissant du
desir toutes les charges du Royau-
me a creu que ce malheur de la Frâ-
ce se pourroit treuuer dans la con-
fusion.

Y a-il Prince, officier de la Courône
ou Ministre de l'Estat qui ne se soit
veu ou perdu ou en la veüille de sa

6
ruine dès le temps de son gouuerne-
ment la disgrâce de Monsieur de
Sully, lors qu'il estoit si necessaire,
la faulxse accusation de Monsieur le
Grand en vne personne si recom-
mandable, la desfaueur que l'on a
veu menasser Monsieur de Villeroy
& Monsieur le Chancelier lors qu'il
trouaillioient avec tant de soing & de
bonne fortune pour la France, sont
des tesmoings sans reproche, qui fōt
cognoistre à tout le monde la iustice
de ses intentions.

Vne des plus saintes Resolutions
& de laquelle doit despendre en par-
tie le fruit que vous attendez de
vostre assemblée est la recherche des
mauuaises versations aux finances
du Roy, C'est de là que vous esperez
faire vn fonds pour restituer ses offi-
ces & en chasser la venallité, ce mon-

stre Messieurs, au preiudice de l'intérest du Roy à la hôte de sa France, & au mespris de ceste si honorable assemblée auorte le juste desseing & soullant son auarice vous laissez priuez du grand bien que vous en deuez attendre.

Ie veux encore Messieurs, en faueur de vostre ordre que puisque le bon-heur de la France & la bonté de nostre Roy, Vous ont assemblez en liberté de parler, compatissant à l'Estat, vous chercherez le moyen de le soullager, & que vous ne vous rédez point deserteurs de vos charges & du debuoir que vous auez à vostre patrie.

C'est donc maintenant Messieurs ou iamais, qu'il faut à bon escient mettre les mains à l'œuvre, C'est maintenant qu'il faut esperer que

6
Dieu qui gouuerne les cœurs des Princes, qui entendent les plainctes de leurs peuples animera nostre Roy pour chasser ce prodige qui a regné iusquesicy, au preiudice de son authorité à la ruyne des trois ordres, & au scandalle des gens de bien, C'est maintenant dis-je, qu'il faut supplier la Royne de ne se laisser plus circonuenir à ceste Megere, qui abusant de sa bonté donne prise à la mesdisance, & ouure la porte à vne plainte generale d'auoir aduancé cet hōme hors de raison.

Vos consciences Messieurs, le serment que vous auez faict de verser sainctement en vos charges, & l'honneur qu'il vous fault attendre en les exerçant avec integrité vous obligent d'escrire ceste si iuste Requeste en lettre d'or au front de vos cahiers

Vous obligéât à ne receuoir aucune
satisfaction de vostre assemblée que
ceste-cy ne nous soit accordée, sans
laquelle toutes les autres ne vous sôt
que des foibles remedes à vos maux,
vous obligent, Non pas de depputer
vn petit nombre de vos chambres,
pour en aller supplier le Roy : Mais
d'y aller les chambres entieres se iet-
ter au pieds de sa Majesté, de qui le
zele & l'honneur de l'Eglise de Dieu
l'amour à l'endroit de sa Noblesse,
& le soing au bien de son peuple,
vous promettent que tirant l'ordre
du desordre il prendra vn iuste inte-
rest en vos plaintes, qui seront chan-
gées en benedictions, Par la fauora-
ble Responce que vous debuez at-
tendre de luy.

